

## **Gikuyu - Agape Maandiko - God's Love Letter Scriptures**

**Johana 15:9** O ta ūria lthe witū anyendeete, noguo o na inyuī ndīmwendeete; gūikarageei thīinī wa wendo wakwa.

**Isaia 43:1** Atīrīrī, MWATHANI ūria wakūūmbire, wee Israeli aroiga atīrī, “Ndūgeetigīre, nīngūkūhonokia. Nīngwītīte na rītwa rīaku, wee wī wakwa.

**Jeremia 1:5** “Nīndakūūi o na itanakūūmba ndainī ya maitūguo; mbere ya ūtaanaciawo no ndakwamūrīte, ngagūthuura ūtuīke mūnabii wa kūrathagīra ndūrīrī.”

**Johana 15:16** Ti inyuī mwathuurire; nī niī ndamūthuuri na ngīmūtūma mūthīi mūgaciare maciaro maingī marīa magūtūūra. Naake Awa nīarīmūheaga kīria giothe mūrīmūhooyaga thīinī wa rītwa rīakwa.

**3 Johana 1:2** Mūraata wakwa, nīndakūhoera atī maūndū moothe makoragwo makwagīrīire, na ūkoragwo wī na ūgima wa mwīrī, amu nīnjūūi atī roho waku nī mwega.

**Isaia 43:4** Ningī nīngūheana ndūrīrī ng'ima nīguo ngūure muoyo waku, nī gūkorwo wī kīndū kīa goro maithoinī maakwa. Nīngwendeete na ngagūtūūgīria.

**Jeremia 31:3** Rīria Aisraeli merīirie kūhuurūka, nīndamoimīrīire ndī haraaya. Andū aya a Israeli, ndūire ndīmwendeete na wendo ūtarī mūthia, nīkīo ngīrīrīrie kūmūtuga.

**Hosea 11:8** “Ingīhota atīa gūgūtiganīria wee, Israeli? Ingīhota atīa gūkūrekereria? Ndingītīkīra gūkwanga ta ūria ndaanangire Adima. O na ndingītīkīra gūgwīka ta ūria ndeekire Zeboimu. Ngoro yakwa ndīngīnjītīkīria njīke ūguo! Wendo ūria ngwendeete naguo nī mūnene mūno.

**Johana 3:16** Amu tondū wa ūria Ngai eendire andū a gūkū thī, nīaaheanire Mūrū wake wa mūmwe, nī geetha mūndū o wothe ūmwītīkītie ndakaanoore, no agīe na muoyo wa tene na tene.

**Isaia 49:15,16** Naake MWATHANI agacookia atīrī, “Mūtumia no ariganīrwo nī mwana oongithītie? No aage kwenda mwana acīrīte?” O na angīriganīrwo nī we, niī ndirī hingo ingīriganīrwo nī inyuī. 16 Jerusalemu, ndingīriganīrwo nī we rī kana rī, nyaandīkīte rītwa rīaku hīnī ciakwa.

**Isaia 41:13** Bundi wa mbaaū naake athimaga gīcunjī kīa mūtī, agacora mbica na karamu. Agagīkīrutīra wīra na indo ciake, agathondeka mbica thaka mūno ya mūndū, īgagītuīka ya kūigwo nyūmbainī yake.

**Mathayo 28:20** na mūmarute gwathīkīra maūndū moothe marīa

**ndīmwathīite. Na nīndīkoragwo na inyuī hīndī ciothe kinyagia ithirīro rīa mahinda.”**

**Johana 14:1 Jesū akīmeera atīrī, “Mütigatangīke ngoro, ītikiai Ngai, o na nīi mūnjītīkie.**

**Isaia 41:14 Ahota gūtema mūtarakwa aūtūmīre, kana atoonye mītitū acagūre mūgandi kana mūthengera. Ningī no ahande mūkarakaba na eeterere mbura ūkūrie.**

**Isaia 43:2 Rīrīa ūkūgerera ndiainī ndiku ndīrīkoragwo ndī hamwe nawe; na mathīina maaku matirīkūmakagia. Rīrīa ūkūhītūkīra thīinī wa mwaki, mwaki ūcio ndūrīgūcinaga. Magerio ma hinya magūkorerera, matirīgūtīihagia o na atīa.**

**Thaburi 23:1-6 MWATHANI nī we mūriithi wakwa, ndirī kīndū ingīaga. 2 Anjaraħagia kūndū kūrīa kwī nyeki nduru, na akandwaraga ngurumo cia maaī marīa mahehu wega. 3 heaga ngoro yakwa hinya mwerū, akandongoria na njīra cia ūthingu o ta ūrīa eeranīire. 4 O na ingītuīka ndīrahungura mūkuru wī nduma ndumanu mūno, ndirī ūgwati ingītīra, nī gūkorwo wī hamwe na niī; thiari waku na mūthīīgi nīcio imenyagīrīra. 5 Ūthondekeire iruga thū ciakwa ciothe ikīonaga, ūkanyamūkīra gwaku na gītīo kīnene mūno, na ūkaiyūria gīkombe gīakwa o bebe. 6 Wendo na ūtugi nocio igūtūūra irūmanagīrīra na nīi matukū moothe ma muoyo wakwa, na ngūtūūra nyūmba ya MWATHANI matukū moothe marīa ngūtūūra muoyo.**

**Johana 14:27 “Thaayū nīguo ngūmūtīgīra; thaayū wakwa nīguo ndamūhe. No ndikūmūhe thaayū taūrīa andū a thī maheanaga. Mütigatangīke ngoro, o na kana mūigue guoya.**

**aFilipi 4:7 Naguo thaayū wa Ngai, ūrīa ūtangīmenyeka nī andū ūrīa ūtariī nīūrīkaragia ngoro cianyu o na meciiria maanyu ihooreire thīinī wa Kristū Jesū.**

**Thimo 3:24 Wathīi toro ndūrī ūndū ūtītīgīra, ningī wakoma ndūrīragwo nī toro.**

**Thaburi 4:8 Rīu-rī, ngūthīi toro ndūikomere ndī o na thaayū, nī ūndū wee, MWATHANI, nī we ūikaraga ūmenyereire wega.**

**Thaburi 33:18 MWATHANI-rī, aikaraga acūūthīrīrie arīa mamwathīkagīra, o acio maikaraga mehokeete ūtugi wake**

**aRoma 5:2 Nī ūndū wa gwītīkia, nīatūmīīte tūkīne wegainī wa Ngai. Kwoguo twī na gīkeno nī ūndū wa kīrīgīrīro kīrīa twī nakīo gīa gūkaagaya riiri wa Ngai!**

**Isaia 55:12 “Atīrīrī, mūkoima Babiloni mūkeneete na mūrekererio muume kuo na njīra ya thaayū. Irīma na tūthūngūri nīikaanūka ikīnaga mbere yanyu: nayo mītī yothe ya mūtitū yanīrīre nīgūkena.**

**Johana 16:22 Kwoguo inyuī rīu mwī na kīeha, no nīngaamuona rīngī, na hīndī īyo ngoro ciānyu nīikaiyürwo nī gīkeno, gīkeno kīrīa gītarī mūndū ūngīmūtuunya.**

**Luka 12:9 No rīrī, mūndū o wothe ūrīa ūngaanaga mbere ya andū, nīagaakaanwo nī Mūrū wa Mūndū mbere ya araika a Ngai.**

**Mathayo 10:30 Ningī o na njuīrī ciānyu cia mūtwe nīndare.**

**Isaia 54:10 Atīrīrī, irīma na ithūngūri no ithengio, no ūtugi wakwa ndūgaagütiganīria rī kana rī. Ngūtūuria kīrīkanīro gīakwa nawe gī thaayū aagu na aagu.” MWATHANI ūrīa ūkūiguagīra tha nī we woiga ūguo.**

**Mathayo 11:28-30 “Ūkaai kūrī niī inyuothē mūnogeetio nīgūkuua mīrigo mīritū na nīngūmūhuurūkia. 29 Oyai icooki rīakwa mwīigīrīre na mwīrute na niī nī ūndū ndī mūhooreri na mwīnyihia ngoroinī na nīmūkuona ūhuurūko; 30 tondū icooki rīakwa nī ihūthū na mūrigo wakwa ti mūritū.”**

**Rwīmbo rwa Solomoni 2:10 Mwendwa wakwa nīkūnjarīria aranjarīria. Mūraata wakwa, o we mwendwa wakwa, gīükīre tūthīi.**

**Hosea 2:14,19,20 Nī ūndū ūcio nīngūmuuha ndīmūtware werūnī, kūu nīkuo ndīmwarīria na ndeto cia wendo. 19 Atīrīrī, Israeli, nīngūkūhikia na nīngūtuīka mūthuurguo wa ma na wa kīhooto. Ūtugi na tha nocio ndīkuonagia, nawe ūgītūure ūrī wakwa nginya tene. 20 Nīngūtūuria kīrīranīro gīakwa nawe na ngūtue wakwa. Nawe nīkūmenya atī ndī MWATHANI.**

**Thaama 3:14 Naake Ngai akīmwīra atīrī, “Nī NIĪ ŪRĪA WE.” Ūū nīguo ūkaameera: ūrīa wītagwo, “Nī NIĪ, nī we wandūma kūrī inyuī.”**

**Hosea 13:4 MWATHANI ekuuga atīrī, “Nī niī MWATHANI Ngai wanyu ūrīa wamūrutire Misiri. Mūtirī na Ngai ūngī tīga niī. Gūtirī Ngai ūngī ūhonokanagia thengia niī.**

**Johana 15:14 Inyuī mweka ūrīa ndīmwathīite mūrī araata aakwa.**

**Johana 14:6 Naake Jesū akīmūcookeria atīrī, “Niī nī niī njīra, na nī niī ūhoro wa ma; na nī niī muoyo. Gūtirī mūndū ūngīkinya kwī Awa atagereire harī niī.**

**Kūguūrīrio 3:20 Tathikīrīria! Ndūūgamīite mūrangoiñi ngīringaringa; mūndū aigua mūgambo wakwa na ahingūre mūrango, nīngūtoonya thīinī kūrī we; ndīanīre naake, naake arīanīre na niī.**